



傳法正宗定祖圖卷第二 并叙

鐔津東山沙門 臣僧 契嵩撰

原夫菩提達磨實佛氏一教之二十八祖也與乎大迦葉乃釋迦文如來直下之相承者也傳之中國年世積遠譜謀差謬而學者寡識不能推詳其本真遂不諒紛然異論古今

頗爾契嵩平生以此為大患適考其是非正其宗祖其書垂出會

須祖師傳法授衣之圖布諸天下而學佛者雖皆祭之猶聽瑩未論上意契嵩幸此竊謂識者曰吾佛以正法要為一大教之宗以密傳受為一大教之祖其

宗乃聖賢之道源天地生靈之妙本也其祖乃萬世學戒定慧者之大範十二部說之真驗也自書傳亂之曖昧漫漶天下疑之幾千百載矣  
今上大聖特   
須圖以正其宗祖然聖人教道必 

聖人乃能正之是豈唯萬世佛氏之徒之大幸也亦天地生靈者之大幸也契嵩因不避其僭越愚妄之誅敢昧死引其舊事推行上聖意仰箋乎祖圖亦先所頒祖師傳法授衣之謂也然其始亂吾宗祖熒惑天下學者莫若乎付法藏傳正其宗祖斷萬世之諍者

莫若乎禪經禪經乃先乎付法傳六十二載始終備二十八祖已見於晉之世矣付法傳乃真君廢教之後缺然但謂二十四世方見乎魏之時耳適以禪經驗而付法藏傳果其謬也若如來獨以正法眼藏密付乎大迦葉者則現之涅槃經智度論禪經與其序也以

意求之而佛之微旨存焉  
上敷性高妙獨得乎言謂之外是乃天資佛記也故其  
發揮禪祖雅與經合宜乎垂之萬世  
永為定斷三學佛子遵之仰之天下不復疑也其圖所列自釋迦文佛大迦葉至乎曹淨

第六祖大鑒禪師凡三十四位又以儒釋之  
 賢其言吾宗祖素有證據者十位列于諸祖  
 左右謹隨其傳法正宗記詣  
 關 上進塵蹟  
 宸眷不任惶恐震懼之至謹叙



始祖釋迦牟尼佛示  
 生於中天竺國為淨  
 飯聖王之子尋捨轉  
 輪聖王位出家成無  
 上道轉大法輪其後



七十九歲垂般涅槃  
 乃以其大法印付其高  
 第弟子摩訶迦葉并  
 勅阿難副貳傳化復  
 以金縷僧伽梨衣令  
 大迦葉轉付當來補



處彌勒佛其說偈曰  
 法本法無法  
 無法法亦法  
 今付無法時  
 法法何曾法

正宗諸賢左五位



第一祖摩訶迦葉本摩竭陀國人出於  
 羅門氏其形金色先捨家入山以頭陀法  
 自修及會佛出世遂歸之為師佛般涅槃  
 之後乃命眾阿羅漢與結集法藏其後持  
 佛衣將入定於雞足山以待彌勒下生乃  
 以其法印傳之阿難說偈曰  
 法法本來法 無法無非法  
 何於一法中 有法有非法



第二祖阿難姓利帝利斛飯王子釋迦如  
來之從弟慕佛出家為佛侍者摠持第一  
佛所說之法若水傳器未嘗忘逸及其欲  
滅度乃以法付其弟子商那和修又囑累  
手末田底迦者說偈曰

本來付有法 付了言無法  
各各須自悟 悟了無無法



第三祖商那和修亦曰舍那婆斯摩突羅  
國人姓毗舍多氏在母之胎六年生有自然之  
隨身而長出家為阿難之徒預受佛記居優  
茶伽藍先伏其地之火龍然後領眾處之及其  
將入涅槃乃以法付其弟子優波迦多說偈曰

非法亦非心 無心亦無法  
說是心法時 是法非心法

正宗諸賢右五位



竺大力者第二十三祖鶴勒那之弟子  
也以漢獻帝之世至于洛邑後乃適吳  
與康僧會相遇僧會嘗問大力曰仁者  
師誰曰吾師鶴勒那僧會曰鶴勒之徒  
如仁者幾何人復有過之者耶大力曰  
似我者三千若其類出但一上人耳其  
號師子比丘其人密受正法與我師  
繼世方揚化於北天竺國



第四祖優波迦多吒利國人姓首陀氏  
師商那和修出家得道有異迹至為  
無相好佛度人最眾所記其人等數盈  
溢石室將入滅遂以法付其弟子提多  
迦說偈曰

心自本來心 本心非有法  
有法有本心 非心非本法




第五祖提多迦摩伽國人其姓則未詳  
初從祖多尊者出家行化至中印土會  
大仙者彌遮迦自說夙緣求為其徒及  
將入滅乃以法付彌遮迦說偈曰

通達本心法 無法無非法  
悟了同未悟 無心亦無法



第六祖彌遮迦中印土人姓則未詳初厭仙術求師提多迦出家學佛既而證果行化至北天竺得異人婆須蜜為其說佛音嘗記汝將紹祖位即攝受為之弟子將般涅槃乃以法付婆須蜜說偈曰

無心無可得 說得不名法  
若了心非心 始了心心法



佛默跋陀天竺人也本姓釋迦氏甘露飯王之後也初會秦僧智嚴於罽賓國乃懇請跋陀偕來諸夏傳授禪法初至長安其後乃之廬山遂出其禪經與遠公同譯譯成遠公為之序嘗謂遠公曰西土傳法祖師自大迦葉直下相承凡有二十七人其二十六祖近世滅度名不如密多者所出其繼世弟子曰不若多羅者方在南天竺國行其教化達磨未繼世作祖故未稱之故其禪經曰佛滅度後尊者大迦葉尊者阿難云乃至不如密多羅諸持法人以此慧燈次第相傳我今如其

祖圖 五

所明而說是義所聞者即達磨多羅也後為二十八祖故遠公叙曰達磨多羅西域之舊禪訓之宗寶林傳所謂跋陀嘗與遠公言其傳法諸祖世數固驗於禪經夫愚考其翻譯禪經之時乃先於付法藏傳六十二年而已有二十八祖而付傳輒出魏氏毀教之後但列二十四世妄斷其相付法人於此便絕反于禪經豈其欲有所欺乎愚正宗論嘗指其傳之非詳矣然其譯書可焚也



第七祖婆須蜜北天竺國人姓顧羅氏常服淨衣持一酒器神氣自若人皆不測及遠公彌遮顯其風因遂投器從之出家證道納戒行化至迦摩羅國以論議服佛陀難提為之弟子將入涅槃乃以法付之說偈曰

心同虛空界 示等虛空法  
證得虛空時 無是無非法



第八祖佛陀難提迦摩羅國人姓瞿曇波氏生而頂有肉髻性大聰明能一覽悉記其齒已四十歲會婆須蜜末其本國乃慕其說法從之出家得道納戒亦務遊化至提伽國得奇人伏獻靈藥為之弟子臨般涅槃乃以法付之說偈曰

虛空無內外 心法亦如此  
若了虛空說 是達真如理



第十祖脇尊者中印土人在胎凡十  
六年乃生因名難生多有異迹會佛獻  
難提至其國父香蓋携詣之求與攝受及  
為比丘修學精苦晝夜脇不至席故尊  
者遊化至花氏國先示瑞相後果得富那  
夜奉出家為之弟子及其垂滅乃以法付  
之說偈曰  
真體自然真 因真說有理  
領得真真法 無行亦無止



曇摩迦羅者中印土人以魏黃  
初壬寅三年至于許昌許昌  
僧光璨嘗問曰西國有何勝  
師以何法住持迦羅曰西土  
凡有一大士一曰摩拏羅二  
二祖一曰鶴勒那三皆傳正  
法以法住持其一化西印土  
其一化中天竺國



第九祖伏摩多爰伽國人世居舍羅氏生已五  
十歲失口未嘗言足未嘗履過佛陀難提至  
其舍父母將以見之既見難提忽自發語趨  
其前而行即願從師出家尋亦成道戒已遊化  
至中印土得耆蓋長者子即脇尊者也以為弟  
子將滅度遂以法付之說偈曰  
真理本無名 因名顯真理  
受得真真法 非真亦非偽



僧祐者本齊人歸梁以持  
律知名嘗著出三藏記其  
薩婆多部相承傳目錄曰  
婆羅多羅五祖 弗若蜜多  
六祖 不若多羅七祖 達磨  
八祖 祐尋終於梁也



第十二祖馬鳴波羅奈國人未詳其姓  
氏初從富那夜奢出家得戒其師為說  
夙緣曰汝昔嘗化彼一國之人裸形如馬而  
其人悲鳴應汝之德因是号汝為馬鳴也遊化  
至花氏國邊降迦毘摩羅大魔即攝係  
之弟子垂慈演法乃以法付之說偈曰  
隱顯即本法 明暗元不二  
今付悟了法 非取亦非棄



第十一祖富那夜奢花氏國人姓瞿  
曇氏生有道德性自知當遇聖師及脇  
尊者至其國乃詣其法會語論相契  
即從之出家得道遊化至波羅奈國  
得馬鳴為之弟子然正合佛記及臨  
入滅乃以法付之說偈曰  
迷悟如隱顯 明暗不相離  
今付隱顯法 非一亦非二



第十三祖迦毘摩羅花氏國人未詳其姓氏初為外道有大幻術因詣馬鳴較法不勝遂為其徒得道戒已亦遊化至西天竺降大火龍因之得龍樹為之弟子將滅乃以其法付之說偈曰

非隱非顯法 說是真實際  
悟此隱顯法 非愚亦非智

想面



第十四祖龍樹西天竺國人未詳其姓氏大聽敷世學無所不通其國有山名龍騰其山先有神龍所居有巨樹能陰眾龍及龍樹有所感悟意欲出家遂入其山依樹修行已能為群龍宣說佛法迦毘摩羅智名乃來就見龍樹遂禮之為師納戒遊化至南天竺得迦那提婆垂滅度以其法付之說偈曰

為明隱顯法 方說解脫理  
於法心不證 無真亦無喜



第十五祖迦那提婆南天竺國人姓毘舍羅會龍樹至其家及阿龍樹先遣以蒲鉢水置其前那提即以一針投之水中遂師龍樹出家為其高足弟子其後行化至迦毘羅國得羅睺羅多為徒將入滅乃以法付之說偈曰

本對傳法人 為說解脫理  
於法實無際 無終亦無始



支強

梁樓

者中

支強梁樓者中天竺國人也以前魏陳留王世至洛陽與曇諦康僧鎧輩譯經因謂諸僧曰我昔在西域嘗往罽賓國至葱塗源入其象白山見達磨達年壽甚高謂其得法之師師子尊者嘗為彌羅崛王起難橫害光難預以其相承大迦葉所傳佛之心印妙法付其同學達磨達號婆舍斯多也二十五祖也復授衣為信其時即遣往化於南天竺國支彊自謂亦相識婆舍斯多然諸祖事迹自七佛以來至乎二十五祖婆舍斯多乃此支彊之所譯也




第十六祖羅睺羅多迦毘羅國人姓  
梵摩氏既遇提婆得明其家樹耳之  
緣即師之出家悟法有異迹其後統  
徒進化至室羅筏城以佛記訪僧伽難  
提尋亦得其出家為弟子將般涅槃乃  
以法付之說偈曰  
於法實無證 不取亦不離  
法非有無相 內外云何起



第十七祖僧伽難提室羅筏國人姓割刺  
乃其國王之子謂是昔娑羅王佛也示生王  
家遠於王宮落髮受戒尋出其國之名岩室修  
禪會羅睺羅多至其禪所因伏膺益求法要  
羅多即以法傳之後往摩提國尋羅多所記  
嗣法之者乃得伽耶舍多滅以法付之說偈曰  
心地本無生 因地從緣起  
緣種不相妨 花果亦復爾



第十八祖伽耶舍多摩提國人姓鬱頭藍  
氏平生尤多奇迹會僧伽難提來其舍相  
求因師而出家納戒即得付法遊化至月  
支國遇鳩摩羅多為說其家異大之緣  
及原吉夢鳩摩羅多即師之出家將入  
涅槃乃以法付之說偈曰  
有種有心地 因緣能發明  
於緣不相礙 當生生不生



那連耶舍者罽賓國人也以東魏孝靜之世  
至于鄴都初與處士萬天懿譯出尊勝陀羅  
尼後因謂天懿曰西國諸祖二十七大士亦  
受持此經然二十七祖號般若多羅其所出  
繼世弟子曰達磨多羅者昔當魏明帝世正

光元年至于洛陽其人亦喜此經萬天懿曰  
然此大士我亦聞其當於祖位傳佛正法不  
悉其後復有繼之者乎耶舍遂以偈答之其  
說皆隱語凡自七佛至二十七祖與達磨二  
十八祖傳受之事蓋此耶舍之所譯也

祖圖 九



第十九祖鳩摩羅多月支國人姓婁羅門氏夙稱不測之人以緣示生於此尋得師伽耶舍多出家傳法行化至中天竺得開夜多為其弟子將滅乃以法付之說偈曰

性上本無生 為對求人說  
於法既無得 何懷決不決



第二十祖闍夜多北天竺人未詳其姓氏會鳩摩羅多至其本國聞其所說業通三世感悟從之出家得法乃遊化諸國至羅閱城得婆修槃頭比丘為徒將滅以法付之說偈曰

言下合無生 同於法界性  
若能如是解 通達事理竟



第二十一祖婆修槃頭羅閱國人姓毘舍佉氏在胎嘗有聖僧以其夙緣告其父母及生大異稍長從光度羅漢出家慕欲光修杜多行尋會闍夜多得傳大法遊化至那提國得摩擊羅為徒將滅以法付之說偈曰

泡幻同無礙 云何不悟了  
達法在其中 非今亦非古



波羅芬多者中天竺人也以前魏廢帝齊王之嘉平二年來洛陽至晉太始三載其弟子摩伽陀復來芬多因問曰汝在西時頗遊北天竺耶或謂師子尊者無辜為其國王所害是否今復有傳法者與其相繼耶摩伽陀曰然師子害死至今二十三白有沙門號婆舍

斯多本罽賓國人先難得其付法授衣即日去之方於中天竺大隆佛事芬多謂其弟子曰我亦聞之汝言驗矣當時好事者即書留于白馬寺後有玄朗法師者得於其寺乃傳於世 此一位當在支疆之上以其所見之事在晉太始之間故次之也

祖圖 十





第二十二祖摩拏羅那提國人姓利帝利乃其國王之子也有大神力父王命師婆修盤頭出家已得戒付法遊化自西天竺以神通自舉至月支國得鶴勒那比丘即以法付之尋般涅槃其付法偈曰

心隨萬境轉 轉處實能幽  
隨流認得性 無喜復無憂




第二十三祖鶴勒那月支國人姓婆羅門氏在胎及生頗有異迹尋從羅漢比丘出家納戒常林極誦經以夙因緣感群鶴依之故得其號晚因摩拏羅得法遊化至中天竺國得師子比丘為其徒將戒以法付之復誡之曰汝往他國其國有難而累在汝躬慎早付授無令斷絕傷曰

認得心地時 不說不思議  
了了無可得 得而不說知



第二十四祖師子比丘中天竺國人姓婆羅門氏已出家習定晚又師鶴勒那得付大法往化於罽賓國先化正他宗者皆達摩達摩後得長者子斯多末其釋珠之緣遂受之其家以鳳綠特加其名曰婆多斯多末也師子乃謂曰適觀此國將加難於我豈肯免而吾所傳如來大法眼藏今付於汝汝宜奉之即若自傳化或有疑者即以吾僧伽衣為信說偈曰 其先住法華之緣信見手本傳

正說知見時 知見俱是心  
當心即知見 知見即于心



捷那者不知其西域何國人也未詳何時至諸夏唐天寶中與河南尹李常者相會常問曰天竺禪門祖師多少捷那曰自大迦葉直至般若多羅凡有二十七祖不言達磨以其為此土初祖也若通推以西北言之乃有二十八祖也 若叙師子尊者旁出達磨達四世二十二入惣有四十九祖若從七佛至此瓊大師時度三祖衆師舍利作齊不括橫枝凡有三十一世常又問他僧曰余見祖圖或引五十餘祖至其枝派差殊宗族不定或但有空名此何以然時有六

祖弟子曰智本禪師對曰斯蓋後魏之時佛法毀廢當時有僧曇曜於倉卒間單錄諸祖名目不暇備寫懷之亡於山谷後三十餘年當其君孝文帝之世曜出之與衆緝綴為付法藏傳其差悞士失事實乃曇曜之所致也然愚嘗考曇曜輩所為付法藏傳其文誠類單錄自彌遮多迦至平師子羅漢凡七祖師最缺殊無本末亦李常所謂祖圖但空有其名者此是也





第三十祖僧璨不知其何許人初以處竟  
 慧可尊者不稱姓名因問法教悟乃師之  
 出家遂命今法名納戒可祖乃以法付之  
 隱舒州皖公山三十載方為眾所歸尋得  
 道信以沙彌師之道信既納戒即以法付之其  
 後孑然乃南遊于羅浮山其傳法偈曰  
 花種雖因地 從地依花生  
 若無人下種 花地盡無生



第三十一祖道信蕪陽人姓司馬氏以  
 穎悟得法於三祖至唐初乃居蕪  
 之雙峯山途中得奇童度為弟子  
 遂名之曰弘忍尋以法并前祖信衣  
 付之後乃滅度其傳法偈曰  
 花種有生性 因地花生生  
 大緣與信合 當生生不生



第三十二祖弘忍蕪陽黃梅人姓周氏生有  
 殊相有賢者見之曰此具大人相所不及也  
 七種耳師四祖道信出家納戒尋得其付法繼  
 居破頭山即弘忍教化大盛咸耳中客有盧君  
 吉首稱慧能自嶺南而來趨其法會忍祖惠  
 之以其所呈法偈遂以居士傳法并以衣鉢  
 說偈曰  
 有情來下種 因地果還生  
 無情既無種 無情亦無生



第三十三祖慧能新州新興人姓盧氏初以五  
 事母家貧以鬻薪為資因聞南嶽講經乃至  
 祖弘忍傳佛心印遂備資與母辭去就黃梅以  
 求其法見五祖相契竊以居士受法南還廣州落  
 髮於法性寺得具戒後居韶陽曹侯溪大為眾  
 所歸方以其法普傳前祖所授衣鉢則置之於其  
 所居之寺其後說偈示徒以顯其法偈曰  
 心地含諸種 普雨悉皆生  
 頓悟花情已 菩提果自成  
 其普傳之法備見于記中



劉昫字耀遠涿州歸義人也天祐中始以軍  
 事衝推仕及開運初授司空平章事又監修  
 國史故其撰唐書神秀傳曰昔後魏末有僧  
 達磨者本天竺國王子以護國出家入南海  
 得禪宗妙法自釋迦相傳有衣鉢為記世相  
 付授初來至梁詣武帝帝問以有為之事達

磨不悅乃之魏隱於嵩山少林寺而卒其年  
魏使宋雲於葱嶺迴見之門徒發其墓但見  
衣履而已達磨傳慧可慧可傳僧璨僧璨傳  
道信道信傳弘忍弘忍傳慧能神秀昉卒於  
守太保

傳法正宗記定祖圖卷第二 上案